

UNIVERZITET
PRIVREDNA AKADEMIJA
Brčko distrikt BiH

TIPS&TRICKS PROFESORI

KARTICE MALIH SAVJETA I TRIKOVA ZA
UNAPREĐENJE ONLINE NASTAVE

Priredio: dr.sc. Cvijetin Živanović, prorektor
za nastavu Univerziteta



Univerzitet

Privredna akademija

PRISUTAN/ODSUTAN

DOBRA NASTAVA PODRAZUMIJEVA DA JE PROFESOR U UČIONICI SA SVOJIM STUDENTIMA, DA JE PRISUTAN I AKTIVAN. TO JE POSEBNO VAŽNO I U ONLINE NASTAVI. U TOM PRAVCU EVO NEKOLIKO KORISNIH SAVJETA: OBJAVITE SEDMIČNU NAJAVU TEME ZA TEKUĆU SEDMICU ILI SAŽETAK RADA PRETHODNE SEDMICE ILI ČAK OBJE VARIJANTE, ODGOVARAJTE NA PITANJA SVOJIH STUDENATA POSTAVLJENA NA CHATU, FORUMU ILI DOSTAVLJENA E-POŠTOM, OBJAVITE SVOJE ONLINE RADNO VRIJEME, OBJAVITE KRATKI VIDEO ZAPIS KOJIM BLIŽE OBJAŠNJAVATE TEMU NASTAVE ILI ZADATKE PRI TOME NASTOJTE DA U ŠTO KRAĆEM ROKU OCIJENITE RAD STUDENATA I PONUDITE POVRATNE INFORMACIJE.

POKUŠAJTE SVOJ PREDMET ORGANIZOVATI KAO PRIJATNO MJESTO I PRI TOME NE ZABORAVITE DA UZ VAŠU REDOVNU ANGAŽOVANOST I PRISUTNOST RASTE VJEROVATNOĆA DA ĆE I VAŠI STUDENTI BITI PRISUTNIJI I AKTIVNIJI.

Univerzitet

Privredna akademija

POSREDAN/NEPOSREDAN

KAO PROFESOR RAZVILI STE SOPSTVENI STIL PREDAVANJA U UČIONICI. KORISTITE HUMOR? ENERGIČNI STE? NAGLAŠAVATE VAŽNE POJMOVE? VAŽNO VAM JE PRATITI IZRAZE LICA SVOJIH STUDENATA?

U ONLINE NASTAVI TO NIJE MOGUĆE I VAŠU STRAST, VAŠU POSEBNOST MORATE PRENIJETI NA SASVIM DRUGAČIJI NAČIN. KAKO? UČINITE SVOJE PISANJE TOPLIJIMA, BUDITE U SVOJIM PORUKAMA KRATKI I NEPOSREDNI. NAPRAVITE KRATKI VIDEO POZDRAV I/ILI KRATKI UVOD U SVOJA PREDAVANJA.

VIŠE OD SAVRŠENO SNIMLJENOG VIDEOZAPISA, STUDENTI ĆE CIJENITI ŠTO VIDE VAS I VAŠE LICE I ČUJU VAŠ GLAS JER VAS TREBAJU POZNAVATI KAKO BI MOGLI USPJEŠNIJE KOMUNICIRATI SA VAMA U ONLINE OKRUŽENJU.

Univerzitet

Privredna akademija

JASAN/NEJASAN

KAO ONLINE PROFESOR TEŠKO MOŽETE PRIMIJETITI KADA STE IZGUBILI PAŽNJU SVOJIH STUDENATA ILI KADA VAŠE UPUTE NISU JASNE, A ONLINE STUDENTI NE MOGU ZATRAŽITI I DOBITI OBJAŠNJENJE U TRENUTKU KADA PRVI PUT NAIDU NA PREPREKE U NEKOM ZADATKU. ZATO MORATE ONO ŠTO TRAŽITE DA OBJASNITE ŠTO JE MOGUĆE JASNIJE, ALI PAZEĆI DA NE ODETE U DRUGU KRAJNOST SA PRETJERANO DETALJNIM UPUTAMA KOJE ĆE STUDENTI U STARTU ODBACITI, ODNOSNO NEĆE NI POKUŠATI PROČITATI.

CILJ TREBA DA BUDE DA SE USPOSTAVI RAVNOTEŽA IZMEĐU OSNOVNOG I SAVLADIVOG GRADIVA. ZATO POKUŠAJTE DATI TAKVE UPUTE KAO DA VODITE RAZGOVOR SA STUDENTOM ILI NAPRAVITE NEFORMALNI KRATKI VIDEO SA OBJAŠNJENJEM ZADATKA. MOŽETE PODIJELITI I NEKAKAV PRIMJER STUDENTSKOG RADA KOJI JE ZARADIO KOD VAS NAJVIŠU OCJENU.

U NAJKRAĆEM, PRUŽITE STUDENTU JASNE PORUKE, ŠTO ZNAČAJNIJU PODRŠKU ALI BEZ PRETJERIVANJA.

Univerzitet

Privredna akademija

ORGANIZOVAN/NEORGANIZOVAN

KAO REDOVNA POJAVA DOGAĐA SE DA STUDENTI U ONLINE OKRUŽENJU POSTAJU ZBUNJENI. FRUSTRIRANI I ISKLJUČENI ZBOG TOGA ŠTO STE VI, KAO PROFESOR, ILI SISTEM UČENJA NA DALJINU PREVIŠE OPTERETILI PRONALAŽENJE SADRŽAJA I AKTIVNOSTI.

KADA STUDENTI KORISTE MNOGO KOGNITIVNIH RESURSA SAMO ZA TO DA SAZNAJU GDJE OTIĆI DA BI NEŠTO PROČITALI, DA BI PRONAŠLI VIDEOZAPISE, RASPRAVE ILI KVIZOVE ONDA IM PREOSTANE SASVIM MALO ENERGIJE ZA PROUČAVANJE SAMOG SADRŽAJA. ZATO, KOD KREIRANJA VAŠEG ONLINE SADRŽAJA RAZMISLITE: DA LI JE SASVIM PRECIZNO JASNO GDJE SE POJEDINI RESURSI KOJE STE PONUDILI NALAZE? RAZMISLITE O TOME KAKO UPOTREBOM PREGLEDNIKA, MAPA ORGANIZOVANJA MOŽETE POMOĆI ILI OTEŽATI KRETANJE STUDENTA KROZ PONUĐENE RESURSE PREDMETA.

POMOZITE STUDENTIMA DA SE NESMETANO KREĆU KROZ SADRŽAJ I AKTIVNOSTI TAKO DA VEĆI DIO NJIHOVE PAŽNJE PREOSTANE ZA PROUČAVANJE SADRŽAJA PREDMETA.

.

Univerzitet

Privredna akademija

PRIVLAČAN/NEPRIVLAČAN

POZNATO JE SVIMA DA STUDENTI RADIJE VOLE UČITI U NOVOJ ZGRADI, U PROSTRANIM I BOGATO OPREMLJENIM UČIONICAMA NEGO U ZGRADI KOJA NIJE OBNAVLJANA DECENIJAMA, SKUČENOJ UČIONICI SA SIROMAŠNIM UČILIMA. UPRAVO IZ OVOG RAZLOGA TREBA RAZMIŠLJATI I O PRIJATNOJ ONLINE OKOLINI. PROFESORI TREBAJU OZBILJNO RAZMISLITI O IZGLEDU SVOJIH NASTAVNIH SADRŽAJA. MOŽDA SE DESI VELIKO IZNENAĐENJE SA MALIM VIZUELNIM DORADAMA. ZA INSPIRACIJU POGLEDAJTE POJEDINE CJELINE ILI CIJELE PREDMETE SVOJIH ISKUSNIJIH KOLEGA. OSNOVNA PRAVILA USPJEŠNOG VIZUELNOG DIZAJNA ONLINE PREDMETA MOGU SE PRONAĆI U MNOGOBROJNIM ONLINE MATERIJALIMA.

IPAK, VIDITE RAČUNA DA SVOJIM STUDENTIMA NE USKRATITE PRISTUP BILO KOME SADRŽAJU SAMO ZBOG TOGA ŠTO ŽELITE DA VAŠ PREDMET IZGLEDA LJEPEŠE.

.

PRIMJER/NAPRIMJER

PRIMJERI U NASTAVI SU JOŠ VAŽNIJI U ONLINE NASTAVI NEGO U NASTAVI „UŽIVO“. ZBOG TOGA OMOGUĆITE SVOJIM STUDENTIMA VIŠESTRUKI PRIMJERE I OBJAŠNJENJA TEŠKIH KONCEPATA KOJE PODUČAVATE. MEĐU MNOGOBROJNIM OPCIJAMA MOŽETE: UPUTITI IH NA POVEZNICE (LINKOVE) NA VIDEO ZAPISE NA ODREĐENU TEMU, SNIMITI KRATKI VIDEOZAPIS VAS ILI GOSTUJUĆEG STRUČNJAKA NA ODREĐENU TEMU, OSMISLITI NAČINE NA KOJE ĆE STUDENTI OBJASNITI NOVE INFORMACIJE JEDNI DRUGIMA JER KAO POČETNICI ONI MOGU OSMISLITI SVJEŽE PRIMJERE I ILUSTRACIJE KOJE VRŠNJACIMA IMAJU VIŠE SMISLA OD VAŠIH OBJAŠNJENJA. TAKOĐE, UZ OBJAŠNJENJA POJMOVA NAVEDITE I ŠTO VIŠE VRIJEDNIH PRIMJERA VAŠIH RANIJIH STUDENATA.

KAD STUDENTIMA POKAŽETE ŠTA TAČNO PREDAJETE I ŠTA TAČNO TRAŽITE OD NJIH, VELIKA JE VJEROVATNOĆA DA ĆE TAKO BITI VIŠE SIGURNI U SVOJU SPOSOBNOST POSTIZANJA ZADATAKA, U SOPSTVENU MOTIVACIJU..

Univerzitet

Privredna akademija

DOBAR, BOLJI, NAJBOLJI...

OSOBINA DOBRE NASTAVE JE I ŽELJA PROFESORA DA SE REDOVNO USAVRŠAVA. PROFESOR TREBA DA UNESE POMENUTI ZANOS I U ONLINE UČIONICU. ON MORA ULAGATI VRIJEME I ENERGIJU U LIČNI RAZVOJ. TO ZNAČI DA ČAK I MALI NAPORI MOGU IMATI VELIKI EFEKAT. NA PRIMJER: UČESTVOVANJE U RADIONICAMA ZA ONLINE PROFESORE, PRIDRUŽIVANJE GRUPAMA ZA RASPRAVU O EFIKASNIM STRATEGIJAMA ONLINE PREDAVANJA, POHAĐANJE NEKOG ONLINE KURSA, PRETPLATA NA BILTENE KOJI OBRAĐUJU ONLINE PREDAVANJA, ISTRAŽIVANJE NAJBOLJIH PRAKSI KOLEGA PREDSTAVLJENIH U RELEVANTNOJ LITERATURI.

U SVAKOM SLUČAJU, ZAMISLITE DA STE STUDENT NA SVOM PREDMETU I ZATRAŽITE OD KOLEGE S POVJERENJEM DA OCIJENI VAŠU ONLINE NASTAVU. POSLIJE SVEGA UPOTREBITE SVOJA I NJIHOVA ZAPAŽANJA KAKO BISTE UNAPREDILI NEJASNE DIJELOVE.

NE BRINITE, VAŠI STUDENTI ĆE PREPOZNATI VAŠ TRUD I PROGRES ŠTO IH MOŽE MOTIVISATI NA PREDANIJI RAD.

UNIVERZITET
PRIVREDNA AKADEMIJA
Brčko distrikt BiH

HVALA

prorektor.nastave@privrednaakademija.edu.ba

